

Radyo an Norvys

(<http://www.dasunys.net/podcast.htm>)

Titel: Nowodhow an seythen (13/03/08)

Auctour: Matthew Clarke

Dydh: 13 Meurth 2008

Pesyans: 2:56

Otta ni y'n seythen wosa Gool Peran... ha'n de Sul yw passyes yth esa moy es unn mil a dus ow keskerdhes a-hes tewyn Porthperan ha hwarvosow sensys dhe Eden y'n kettermyn. Byttegens distowgh wosa oll a henna, y hwethas gwens krev neb a dhros lies liv, gwydh koodhys, ha lettyansow y'n fros tredan a-hes Kernow. An mor a dheuth ha bos hager ha serrys, re arow rag mordardha. Kales o lywya a-hes agan pow a-wos gwydh war an fordhow, ha nag esa trenow ow mos ynter Karesk hag Aberplymm. Dres henna, lies nijen dhyworth ayrborth Kernow veu treghys.

Ha my ow kewsel a'n ayrborth... an Menestri a Dhefens a sinyas kevambos nowedh gans Konsel Kernow. I a wra lettya an prys may fydh an hens-tira res dhe'n ayrborth dre beswar mis. An Menestri a lever bos chons brassa a geschanjya perhenoreth an tyller yn kompos.

Yth eson ni lemmyn ow mires war-rag dhe nessa penseythen ha'n Bennseythen Gernewek. Sensys vydh dhe Ostell Loja Tewesek y'n Tewyn Bleustri. Tim Hambly res eth liesgweyth kens...

[CLIP]

Rygbi lemmyn...

An Vorladron a fethas Park Sedgley yn fen... hwetek-poynt-warn-ugens dhe dheg. Ymons y'n pypes le y'n rol Kenedhlek Onan y'n eur ma.

An galar a bes gans an Para Oll-Du... Lanstefan a gollas erbynn Karesk, dew-boynt-ha-tri-ugens dhe dravith... ha lemmyn ymons i saw unn boynt dhyworth gooles an rol Kenedhlek Onan.

Ha pennseythen dhrog o dhe Resrudh ynwedh... an Rudhyon a gollas erbynn Park Westcombe dew-ugens-poynt dhe beswarthek.

Ha hen yw oll rag an seythen ma... tereba nessa.